



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

XXVII. Qualiter debeat Abbas esse sollicitus circa excommunicatos.
Antidotis plenus sapiénsque sit Abba Galenus, Sit profugos quærens
Pastor, opémque ferens.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

eo, vel mandatum ei dirigere *b*, similem fortiatur *c* excommunicationis vindictam.

a) *Sive associare.*

b) *Id est, aliquid nunciare vel insinuare; quo eodem sensu dixit Virgilius lib. 8. Æneid. Multa patri mandata dabat portanda.*

c) *Sive incurrat excommunicationem: nimirum vel purè Monasticam, si egerit cum talibus, de quibus c. 24. vel etiam Ecclesiasticam, si cum talibus, de quibus c. 23. & 25.*

4. MART. 4. JULII. 3. NOVEMB.

CAPUT XXVII.

Qualiter debeat Abbas esse sollicitus circa excommunicatos.

Omni sollicitudine curam gerat Abbas circa delinquentes Fratres; quia non est opus sanis Medicus, sed malè habentibus *a*. Et ideo uti debet omni modo *b*, ut sapiens Medicus; immittere quasi *c* occul-

occultos consolatores sempectas *d*, id est,
 Seniores sapientes Fratres, qui quasi se-
 cretè consolentur Fratrem fluctuantem *e*,
 & pròvocent eum ad humilitatis satisfa-
 ctionem *f*, & consolentur eum, nè a-
 bundantiori *g* tristitiâ absorbeatur: Sed
 sicut ait Apostolus *h*: Confirmetur in eo
 charitas *i*; & oretur pro eo ab omni-
 bus *l*. Magnopere enim debet sollicitu-
 dinem gerere Abbas, & omni sagacita-
 te & industriâ curare, nè aliquam de ovi-
 bus sibi creditis *m* perdat. Noverit enim,
 se infirmarum curam suscepisse anima-
 rum, non super fanas tyrannidem. Et
 metuat Prophetæ comminationem, per
 quem dicit Deus *n*: Quod crassum vi-
 debatis, assumebatis *o*, & quod debile
 erat, projiciebatis. Et Pastoris boni *p*
 pium imitetur exemplum, qui relictis
 nonaginta novem ovibus *q* in monti-
 bus *r* abiit, unam ovem *s*, quæ erra-
 verat, quærere: Cujus infirmitati in-
 tantum compassus est, ut eam in sacris
 humeris suis dignaretur imponere *t*, &
 sic reportare ad gregem *u*.

a) Ex Matth. c. 9.

b) Sive

- b) Sive adhibere omnis generis remedia, quibus sanentur: qualia videre est cap. seq.
- c) Licet enim ex commissione Abbatis accedant, illam tamen manifestare non expedit, sed solum paternum vel fraternum compatientis animi affectum.
- d) Vox minus usitata. Smaragdus graecum dicit, non probat. Haeftenus cum aliis legendum putat *sympectas*, graece συμπαράστασ, quod ex notis Rosweydi significat collusores. Hic proinde putem, non ineptè sumi pro Confratribus, qui cum Apostolo sunt omnibus omnia facti. Pleraque editiones recentiores legunt *senipetas*, id est, senium petentes sive appropinquantes senio.
- e) Id est, in mœrore constitutum, & variis propterea animi motibus quasi fluctibus agitatum.
- f) Id est, hortentur, ut per talem pœnitentiam se humiliare discat, & satisfacere pro priore suâ superbiâ & contumaciâ.
- g) Sive nîmiâ.
- h) 2. Cor. 2. ex quo desumptus est sensus procedens, & solus immediatè subsequens.
- i) Non sua, ut vult Haeftenus; qualis enim illa in excommunicato? Sed aliorum erga illum,

illum, exhibendo illi majora charitatis officia. Patet ex Vulgatâ, ubi legitur: in illum.

l) Intercedendo vel apud Abbatem, vel apud Deum oratione privatâ; nam publica non licet.

m) Id est, curæ suæ commissis.

n) Ezech. 34. non quidem iisdem verbis, sed similibus.

o) Id est, quod pingue & forte videbatis in grege meo, assumebatis [sive ut legit Vulgata: occidebatis] pro vobis, sive in commodum vestrum. &c.

p) Scil. Filii Dei.

q) Puta, novem Angelorum choris.

r) Æternis, sive in celo.

s) Intellige, gentem humanam in terris.

t) Nam languores nostros & peccata ipse tulit, & dolores nostros ipse portavit. Isa. 53.

u) Scil. electorum.

5. MART. 5. JULII. 4. NOVEMB.

CAPUT XXVIII.

De his, qui sæpius correpti non emendaverint.

Si-